




Sr. Alejandro "Patan" Farro aki hunto cu su tocador di wiwi aki ta resonando su caha di orgel "El Diamante" cu ayera a titula campeon di caha di orgel den e concurso anima na Hoffie Sero Janchi. Relato por lesa ariba paginanan 14 y 15.

AMBIENTE INMENSO NA CONCURSO DI CAHA DI ORGEL

ORANJESTAD(AAN)—Manera a ser spera, e concurso di caha di orgel a hala hopi publico y e ambiente tabata masha ameno y cu hopi animacion.

E concurso di caha di orgel organiza pa Sr. Chua Farro na Hoffie Sero Janchie a resulta di ta un verdadero festival y tabata tambe un exito grandi.

No tabata tin lugar di pone mas hende hunto cu e centenares cu a acudi pa presencia e concurso cu tabata masha bunita pa presencia y cu ta vale la pena organiza un show na un otro sitio of club cu e cahanan aki pa tur hende por disfruta di nan.

Di e cantidad grandi di hende cu a presencia e festival por bisa cu por lo menos 75 porciento di nan tabata hendenan di edad hal-

to, es decir di 40 aña pa ariba.

Tabata tin tambe un amante di caha, di 89 aña di edad, Sr. Bartolo Tromp kende a biba mas di 50 aña na Cuba y kende no kier a perde e festival pa nada.

For di mainta tempran Sr. Tromp a baha di Mahuma pa Sero Janchi y a keda sinta bao di mat'i kwihi na Sero Janchi for di 10 or di mainta sperando comienzo di e festival cu a tuma lugar merdia 2 or.

Tur e pasenchi aki no a bay perdi, pasobra Sr. Bartolo Tromp a ser bon atendi, y durante e festival por a ripara con el a goza.

Un premio special a ser entrega tambe na su persona pa e interes inmenso aki y ademas e no a keda sinta keto.

Sr. Tromp a demonstra



Ariba e foto aki pormira e ganadornan di e festival di caha di orgel y ganador di wiri. Di r.p.d. por mira Sr. Panchito Lampe (segundo) mihor tocador di wiri Antonio Gomez, Sr. Ale Werleman ganador enkel, Buchi Boekhoudt (tercero) y Patan Farro ganador maximo, hunto cu Gezagebber Frans Figaroa.

alavez cu ainda e por a move ariba ritmo di caha y cu un estilo unico.

Tabata tin en total 10 caha cu a tumá parti na e festival, di cualnan 1 tabata di 1 ccylinder(caha enkel) y e otro nan double.

E seis miembronan di jurado, especialmente escohi pa juzga e cahanan tabata tin un tarea di kibra cabez.

E participantenan a competi fuerte contra otro y por a nota e competencia.



Sr. Bartolo Tromp aki ta demonstra cu ainda e sa con pa lora ariba musica di caha y Sra. v.d. Biezen a sa tambe con pa guia ariba e tononan alegre.



Chichita Werleman, doña di caha di orgel Sin Igual aki ta sinta den compania di su esposo gozando di e festival den cual e mes ta participa.

Durante e concurso aki e bieuwnan cu tabata presente a demonstra cu nan sa kico ta animacion y parehanan tabata lanta balia continuamente ariba e ritmonan toca.

Pa caha enkel no tabata tin competencia ya cu ta "El Negrito Maldito" so a presenta y a logra gana tambe e premio di caha enkel.

E otro cahanan tabata "Conquistador" di Peruchro Croes, Johanna Figaroa cu "No me olvides", Panchito Lampe cu "La Primavera", Rafael Koolman cu "Sorpresa" Chichi-

Sigi lesa pag. 15



Ale Werleman a gana den categoria enkel cu su caha El Negrito Maldito y aki hunto cu su yiu muher na wiri, e ta duna un demostracion.

Cont. di pag. 14

ta Werleman cu "Sin Igual", Shon Pin Geerman cu "Mi Recuerdo" Leon Buchi Boekhoudt cu "Arubanita", Alejandro Farro cu "El Diamante" y Juan Farro cu "Flor del Campo"

E caha Sorpresa a debuta den e concurso aki ya cu ta Diasabra anochi el a ser bautiza.

Manera a ser menciona anteriormente, Ale Werleman cu su caha enkel, El



Esakinan ta e participantenan na e Festival di caha di orgel cu a tuma lugar ayera na Hoffie Sero Janchie den cual festival El Diamante di Patan Farro a sali como maximo ganador.

Negrito Maldito a gana e premio pa caha enkel.

E damanan Chichita Werleman cu su caha Sin Igual y Johanna Figaroa cu No me Olvides a ricibi pre-

mionan especial. Johanna cu su caha a pone hopi di e bieuwnan recorda nan tempo, ya cu el a baha cu poco bon pieza di Rufo Wever y di Padu del Caribe

di casi 30 aña pasa.

Ta e caha aki a trece e ambiente den e festival.

E mihor raspado di wiri

Sigi lesa 16

Cont. di pag. 15

a resulta Antonio Gomez. Resultado di e festival tabata cu Buchi Boek-

houdt cu su caha Arubanita, a termina na tercer lugar.

Segundo lugar a bay pa Panchito Lampe cu La Primavera y e ganador maximo di e festival a resulta Alejandro "Patan" Farro cu su caha El Diamante.

Gezaghebber Frans Figaroa a entrega e trofeonan na e ganadornan.

Despues di 4 ora y mei di concurso, a sigi un fiesta bon anima na Hoffie Sero Janchi, cual a termina te casi mei anochi, cu animacion di e cahanan.

Tabata tin tambe un concurso den baliamento di wals na cual concurso un cantidad di pareha a tuma parti y e ganadornan a resulta Gabriel y Tere-sita Henriquez di Morgenster.